

lud nobis perpetuò sit propositum, ut id ad
 tuam unius gloriam, & aliorum utilita-
 tem referamus. Ad hæc, quoniam cōsiliū
 salutare, occasioñes idoneæ, & felices rei ū
 successus a cōventus penes te unum sunt;
 fac, ut hæc omnia à te solo petamus & ac-
 cipiamus. Effice præterea, Clemnetissime
 Pater, ne in parandis iis, quæ ad hujus vite
 necessitatē pertainent, tantū curæ ac la-
 boris impendamus, ut interea res cœlestes
 negligamus, aut segnius tractemus: sed ut
 primū semper queramus regnum tuum,
 & justitiam ejus, nihil dubitantes, quin sic
 agentibus, cætera omnia sis adjecturus.
 Tuere etiam ac defende hoc fragile corpus
 & animā nostram. Instrue nos consiliis &
 robore Spiritus tui, adversus tot ac tam va-
 rios insultus Satanae: Libera nos omni metu
 et periculis quib. in hoc mundo omnib. mo-
 mēti expositi sumus. Quoniā verò nihil est
 rectè incepisse, nisi etiam gnaviter perficia-
 mus: oramus te, ut ne hoc tantū die nos in
 tuam tutelam suscipias, sed ut porrò etiam
 per omnem vitam, dux noster, & defensor

D 3 esse: